



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Ioviani Pontani amorum libri II.

Pontano, Giovanni Gioviano

Venetiis, 1518

Tumulus Aurelij infantuli.

urn:nbn:de:hbz:466:1-13534

GREGORII TYPHERNATIS.

Pontanus tumultum salutat.

Gregorio sit terra lenis, uer assit & urnæ.
 Terra ferat flores, urna liquore fluat.
 Plaudat & huic Latium tumulo, plaudatq; iuuentus
 Itala. Gregorio et umbria plaude tuo.

FRANCISCI HIACHINI

Grammatici.

Non tibi certa domus fuerat, non culta supellex,
 Mensaq; uix tenuis docte Hiachine focus,
 Hoc ex morte tibi lucri est, quod nulla supellex,
 Non focus ipse opus est, quod tibi certa domus.

MASVTII SALERNITANI

fabellarum scriptoris.

Hic quoq; fabellas lusit, tinxitq; lepore,
 Condit ornatis & sua dicta iocis.
 Nobilis ingenio, natu quoq; nobilis, idem
 Et doctis placuit, principibusq; uiris.
 Masutius nomen, patria est generosa salernum,
 Hæc simul & uitam præbuit, & rapuit.

AVRELI I INFANTVLI. MATER

ad sepulcrum queritur.

Has tibi pro mammis lacrimas, proq; subere fletum.
 Nate cape. has lacrimas subera nostra puta.
 Quiq; tibi ad cunas cantus, quæ nenia quondam,
 Hi tibi nunc questus, hic tibi sit gemitus.

TVMVLORVM

Has bibe nūc lacrimas. hęc hęc nunc ubera sume.

Naniolę & lusus, nostra querela tibi est,
Quosq; dedi flores, & quas de flore corollas,

Hi tibi sint crines, hęc tibi fusa coma.

Aureli tibi sit tellus leuis, ac breuis urna

Affiet & usq; crocos, spiret & usq; rosas.

PHIELLAE MATRONAE.

Auratis digna es oculis formosa Phiella.

Heu te condit humus, uilis & herba tegit.

Heu heu nec mater, nec te tua pignora deslent.

Nulla tibi est mater, pignora nulla tibi.

Non frater, non cognato de sanguine quisquam,

Non pater ipse, aut quę lac tibi mamma dedit.

Vos fusi deslete, coli deslete Phiellam,

Flete & eam lanę, flete & eam calathi.

Flete & acus, & fila fleant, & lina Phiellam.

Telaq; . uix tumulto casta puella iaces,

Casti puella lates tumulto uix . uix tibi cęspes

Dat tumulum . uix te terra inarata tegit,

Quę tamen herba tegit, nullos hęc sentiat æstus,

Frigora nulla . tuo floreat usq; solo.

MASSILAE VERNVLAE.

urna ipsa loquitur.

Urna loquor . cinis est infans . infantula mecum est .

Vernula nata domi, nata gemella patri.

Hanc mater mihi commendat post funera, & inquit

Ipsa tibi hanc peperit, nata futura tua est.

Hanc alui